

# TEZAU LITURGIC

19 MAI

# ACATISTUL SF. CNEAZ DIMITRIE DONSKOI DE LA MOSCOVA II



MOSCOVA, 2000



# Акафист Дмитрию и Евдокии Московским

## Кондак 1

Избрании от славного служения княжеского в небесные покровители державы Российския, яко вернии супруги добре прошедши поприще правителей московских, ныне граждане Иерусалима Небесного всех Правителю предстоите. Того молитесь и нам в святости и чистоте житие свое соблюсти и от дома земного нашего – Святой Руси в Небесное Отечество вкупе с вами водворитися, да зовем вам: Радуйтесь, благовернии княже Димитрие и княгине Евдокие, добрых правителей и супружеств милостивые покровители!

## Икос 1

Ангелов и человеков Творец и Создатель, Царь Царей и всех правителей Правитель, Имже цари царствуют и дается всякая власть человекам, провидя ваши ревность по Бозе, сердце сострадательное, милосердие неистощимое и ревность о благе Земли Российския, иже есть преддверие Царствия Божия, премудро избра вас в правители княжества Московского и собирателей земель российских. Мы же,

меньшия братия ваша, ведуща ваше дерзновение пред Богом и ревностное попечение о земном Отечестве нашем, усердно вопием вам: Радуйтесь, о Святой Руси всеревностные пред Господом молитвенницы!

Радуйтесь, о благе Отечества нашего земного всемилостивые пред Христом Богом ходатаи!

Радуйтесь, Родине своей – Святой Руси усердно послужившии!

Радуйтесь, всем Церкви Православной и Земле Российской верою служащим всесильные и скорые помощницы!

Радуйтесь, всего доброго в земного Отечества нашем вертограде всеусердные насадители!

Радуйтесь, всех от отеческих заветов отступающих всесильные перед людьми и Богом обличители и наказатели!

Радуйтесь, от Отечества земного – Руси Святой в Отечество Небесное прешедшии!

Радуйтесь, нам, сродникам земным, пути в чертог небесный управители!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

## **Кондак 2**

Видяще вас, благоверных князей Димитрия и Евдокию, яко всесильных покровителей Отечества нашего земного, а наипаче Земли

Московския, в ней же ревностно при жизни подвизались еста, все православные радостью исполняются и вопиют о вас Богу: Аллилуйя!

## **Икос 2**

Разум Богопросвещенный и ко спасению умудренный дал еси вам Премудрости и смыслов Податель, премудрых Умудряющий и Исправляющий и вся ко благу Созидающий, да от божественных писаний и отеческих преданий усердно поучившеса, послужите ко благу Земли Российския. Сия добре введуще, мы, земные сродники ваши, усердно молим: подайте и нам от духовного елея вашего, да и мы, всеусердно от вас поучившеса, ублажаем вас похвалами сицевыми:

Радуйтеся, от Премудростью мир Создавшего ко спасению и служению ближним добре умудренные!

Радуйтеся, туне сию Премудрость приявшии, и нам, усердно вас просящим, без ревности ее щедро подающими!

Радуйтеся, сей премудростью не себе токмо, но и всем ближним – близким и нам, дальним братьям вашим усердно послужившии!

Радуйтеся, и нас дары от Бога на служение ближним усердно направляти научающими!

Радуйтеся, всем служащим Православной Церкви и Святой Руси добре помогающими!

Радуйтесь, милость Божию и Пресвятая Богородицы Святой Руси в своих молитвах нас искати наставляющии!

Радуйтесь, от суетных и пагубных тлетворных века сего учений отвращатися нас научающии!

Радуйтесь, всеблагото Православного Учения Церкви нас взыскати наставляющии!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

### **Кондак 3**

Силою благодати Божия укрепляеми на служение не токмо земле Московской, но и всей Руси Святой, ея же духовными очами провидяще яко предшественницу Отечества Небесного, от всея души потщилися ей послужити, Самому Правителю правителей о служении вашем ответ дая. Сего ради приносим о вас хвалебную песнь Богу: Аллилуйя!

### **Икос 3**

Имуще перед умными очами вашими благий пример святых соплеменник своих – святых правителей Святой Руси – благоверных князей ея Владимира и Ольги, Бориса и Глеба, Александра и Андрея, и иных благоверных правителей ея, души своя на служение Богу и земному Отечеству своему положивших, благой

ревностью по Богу распаялися еста, стремяся усердно Святой Руси послужити. Сего ради мы, неключимии потомки ваши, вашей ревностью уязвляемы, во умилении сердец зовем вам:

Радуйтесь, Святой Руси от всея души и разумения вашего усердно Христа ради послуживши!

Радуйтесь, благодать и милость на всю Русь Святую от всех благодати и милости Подателя снискавши!

Радуйтесь, образом благим всем правителям и верным страны Русской ставши!

Радуйтесь, нас в ревности по Бозе благим примером жизни вашей утверждающи!

Радуйтесь, на служение Святой Руси и ближним щедро нас благословляющи!

Радуйтесь, смысл жития в служении Богу и Святой Руси нас находити наставляющи!

Радуйтесь, всего злого отвращатися повелевающи!

Радуйтесь, свой талант во славу Божию и на благо ближним нас употребляти вразумляющи!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

#### **Кондак 4**

Бурею гордости и злобы распаяем, нечестивый хан царства агарянского Мамай задумал есть

землю Русскую огнем и мечом опустошители и Церковь Русскую разорению предати, не ведуща Царю царей, Его же милостью все правители правят, пети: Аллилуйя!

#### **Икос 4**

Слышав благоверный князь Димитрий о нашествии мамаевом, опечалился еси зело, сердцем земли родной разорение и опустошение и многих славных сынов Земли Русския гибель от злобных врагов ея провидя. Обаче, любовь к земле родной и ревностью по Бозе распаляем, не смог стерпеть поругания ея от нечестивых, положил еси на сердце своем воинов земли Русския собрати и супротив нечестивых агарян войною стати. Ты же, княжна Евдокия, от всея души твоя тепле молилася еси Богу о даровании победы воинству российскому и супругу твоему. Мы же, радостию дивяшеся силе любви и ревности вашей, готовой душу свою за други своя положить, вопием вам:

Радуйтесь, раби Господни благии и вернии, души за други своя по примеру Господа нашего Иисуса Христа положившии!

Радуйтесь, и нас, потомков ваших, благому примеру вашему следовати научившии!

Радуйтесь, силу вражю врагов плотских и бесплотных силой Божией поправшии!

Радуйтесь, и нам силу наступати на всякую силу

вражью молитвами вашими даровавши!  
Радуйтесь, полк воинов небесных от Святой  
Руси к Царю царей с собой приведши!  
Радуйтесь, небесными покровителями державы  
Русской ставши!  
Радуйтесь, поминовение павших воев яко чин  
святой в Российской Церкви утвердивши!  
Радуйтесь, тем поминовением клевет и  
подданных своих от нашей Родины земной  
Небесное Отечество стяжати устремивши!  
Радуйтесь, благовернии княже Димитрие и  
княгине Евдокие, добрых правителей и  
супружеств милостивые покровители!

### **Кондак 5**

Боготечной звездой победного знамени явился  
воинству и всему народу русскому Донская  
икона Богоматери, ея же в непобедимое оружие  
в брани на супротивных взяша премудрый  
князь Димитрий. Мы же, таковой премудрости и  
ревности о Бозе и народе своем правителя  
нашего радостью дивящися, о сем заступлении  
земли нашея взываем: Аллилуйя!

### **Икос 5**

Видя преподобного Сергия яко нового  
свещильника Земли Русския, подобно древним  
святым отцам в северной стране нашей  
воссиявшего и благодать Пресвятыя Троицы и

Матери Господа нашего Иисуса Христа  
преизобильно нам даровавшего, люди земли  
наша поныне радости исполняются, славного  
ходатая Руси Святыя до славного Христова  
Пришествия в нем разумея. Ты же, о славный  
княже Димитрие, вкупе с супругою твоею  
верною княгиней Евдокиею яко добрые чада  
Православныя Церкви и мудрые управители  
страны своея к преславному окормлению  
чудного старца премудро прибежали еста, в  
молитвенном покрове Всея Руси игумена  
всемощное основание княжества своего и  
становления Всея Руси духом своим прозревая.  
Сего ради примите от нас, меньших братьев  
своих, похвалы сия, ублажающих вас сице:  
Радуйтесь, Земли Российския гобзование  
преизобильное!  
Радуйтесь, славныя страны наша упование  
непоколебимое!  
Радуйтесь, преподобного Сергия дети  
вселюбимыя!  
Радуйтесь, верные чада Православныя Церкви!  
Радуйтесь, благословение преподобного на все  
житие свое щедро получившии! Радуйся, того  
молитвой полки врагов плотских и бесплотных  
сокрушившии! Радуйся, молитвенный покров  
преподобного Сергия, яко щит несокрушимый, в  
основание державы Русския премудро

положившии! Радуйся, яко Дом Пресвятыя Троицы и Пречистыя Матери Господа нашего Иисуса Христа Святую Русь вовеки утвердившии!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

### **Кондак 6**

Проповедует мир весь тебе, доблестный княже Димитрие, яко верного сына Православныя Церкви, за веру Православную и Русь Святую добре подвизавшегося и в мире и благочестии с супругою своею Евдокиею добре пожившего. Сего ради все люди православныя, ведуща тя, яко доброго ревнителя жития благочестивого, Богу о тебе вопиют: Аллилуйя!

### **Икос 6**

Возсиял еси в Святой Руси новый светильник Православныя Церкви – Святитель Московский Алексей, иже от доброго московского боярского рода Бяконтов избран быв в Первосвятители Церкви Русския, не токмо добрым управителем Российкия Церкви был еси, но и правителем нарождающейся державы Русския, вместо родного отца тебе, княже Димитрие, быв, вместе с тобой собирателем земель русских стал еси. Ты же, о славный княже Димитрие, вкупе с

премудрою супругою твоею Евдокиею верным сыном первосвятителя Московского быв и собирателем земель русских к величию державы нашея став, прими от нас всехвальные славословия сия, да благодарственно вопием вам:

Радуйтесь, Первосвятителя Московского Алексия чада вселюбезные!

Радуйтесь, будучи правителями, образец церковного послушания собой явивший!

Радуйтесь, милость Божию стяжавший!

Радуйтесь, благословение Первосвятителя Московского, яко камень несекомый, в основание своего правления утвердивший!

Радуйтесь, благий образ православного правителя житием своим явивший!

Радуйтесь, помощниками будущим правителям Державы Русския ставший!

Радуйтесь, яко добрые супруги, скорби многия в своем служении претерпевший!

Радуйтесь, много плакавший, яко ныне радости нескончаемой небесной наслаждаетесь!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

### **Кондак 7**

Хотя от нашествия нечестивого хана Мамаю Родину свою защитити и свободу народу

православному от нечестивого агарянского царства стяжати, задумал еси благоверный князь Димитрий премудро разрозенныя русския земли в единую державу собрати. Того же ради к Превосвятителю Московскому Алексию – первому Предстоятелю Церкви Русския, иже от рода русского стал еси, и преподобному Сергию – игумену Всея Руси окормлению премудро прибегл еси, да помощь их, яко щит молитвенный нескорушимый премудро стяжал еси, Богу вопия: Аллилуйя!

### **Икос 7**

Нового тя правителя и собирателя Земли Русския вемы, премудрый княже Димитрие, вкупе с доброю твоею супругою Евдокиею, с нейже союзом княжество Московское и Землю Русскую премудро укрепил еси, твердое правление свое яко камень краеугольный в основание Святой Руси положил еси. Сего ради примите от нас, недостойных потомков ваших, благодарственныя песнопения, вопиющим вам с любовью таковая:

Радуйтесь, княжества Московского и Всея Руси святое украшение!

Радуйтесь, Церкви Православныя удобрение!

Радуйтесь, ангелов – хранителей и всех святых, в Земле Российской просиявших, веселие преизрядное!

Радуйтесь, всех воинов, за Церковь и Святую Русь живот свой положивших, утешение нескончаемое!

Радуйтесь, всех правителей Земли Российския помощницы усердные!

Радуйтесь, всех воителей за Русь Святую покровители!

Радуйтесь, от иноземного нашествия Руси Святыя защитители!

Радуйтесь, всем труждающимся Отечества земного ради сотрудницы усердные!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

### **Кондак 8**

Странно есть суетным и самонадеянным людям безбожного века сего славное житие ваше, премудрыя князья Димитрие и Евдокие: како среди мира и власти и почестей княжеских надмирно пожили еста, не о земной, а о небесной славе помышляя, Богу ответ в служении своем дая, Ему же ныне предстоите, вопиюще: Аллилуйя!

### **Икос 8**

Все бо в вышних пребывали, пермудрыя князья Димитрие и Евдокие, но и нижних никакоже отступали еста, Всех правителей Правителю

нелицеприятный ответ давати в служении своем  
разумея. Сего ради и ныне не отступите от нас,  
недостойных чад ваших, усердную помощь вашу  
в Отечестве земном и Небесном получитьи  
чающих и вопиющих вам сия:

Радуйтесь, милость Отца Небесного всеусердно в  
служени своем стяжавшии!

Радуйтесь, помощь сию Всея Руси своим  
правлением даровавшии!

Радуйтесь, козни дьявольския и человеческия  
силой Божией поправшии!

Радуйтесь, благословение Божие княжеству  
Московскому и Всея Руси на все века  
стяжавшии!

Радуйтесь, возлюбленными чадами Святителя  
Алексия и преподобного Сергия - Всея Руси  
игумена вовеки ставшии!

Радуйтесь, и нас той помощи своим примером  
взыскати всеусердно наставляющии!

Радуйтесь, всех верных на пути Христовом и  
служении Святой Руси усердно укрепляющии!

Радуйтесь, в служении Отечеству земному, иже  
есть преддверие Отечества Небесного, своим  
примером утверждающии!

Радуйтесь, благовернии княже Димитрие и  
княгине Евдокие, добрых правителей и  
супружеств милостивые покровители!

## **Кондак 9**

Всякий чин ангельский и человеческий верных православных возрадовашася зело, видя помощь Святителя Николая, вам, святые княже Димитрие и княгине Евдокие, и всему русскому народу православному являемую, ея же ради икону свою святую в помощь на супротивных воинству русскому даровал еси, да помощью Святителя угреша сердце свое, князь Димитрий и все православные Богу поют: Аллилуйя!

## **Икос 9**

Ветия многовещанная суетного и самонадеянного века сего яко рыбы безгласная видим о житии вашем, благоверная князя Димитрие и Евдокие, недоумеют бо, како и в чине княжеском служение честно понесли, и в супружестве благочестно пожили есте, в подвиге молитвенном пребывая, сонм наследников своих Богу достойно представили есте: «вот мы, а вот дети наша» Творцу всех взывая. Сего ради мы, недостойная чада ваша, подвигу жития вашего дивяшеся, верно вопием:

Радуйтесь, угодницы Божии и Пресвятая Богородицы!

Радуйтесь, Святителя Николая почитатели преизрядные!

Радуйтесь, Святителя Алексия и преподобного Сергия чада возлюбленные!

Радуйтесь, святого Александра Невского  
сотрудницы усердныя!

Радуйтесь, Земле Российской яко князи и  
супруги добрии верно послужившии!

Радуйтесь, служением своим всех Творцу и  
Правителю правителей изрядно угодившии!

Радуйтесь, чистотой своей и ревностью по Бозе  
Петру и Февронии Муромским подобныя!

Радуйтесь, в честном супружестве живущим  
верным покровители!

Радуйтесь, благовернии княже Димитрие и  
княгине Евдокие, добрых правителей и  
супружеств милостивые покровители!

### **Кондак 10**

Спасти хотя души своя, о угождении Богу  
ревностно радели еста, храмы Божия созидаю,  
падающих воздвизая, немощных и скорбящих  
утешая, наипаче же о процветании Земли  
Русския и Церкви Православныя пеклися еста,  
Богу вопия: Аллилуйя!

### **Икос 10**

Стена всем Святой Руси и Церкви Православной  
служащим, в супружестве благочестно жити и в  
иночестве подвизастися хотящим стали еста,  
святые благоверные княже Димитрие и княгине  
Евдокие, яко и в лице правителей Земли Русския  
премудро управление ея вели, и во главе

защитников Отечества своего храбро служение свое понесли, всем воинам земли родной и ближним их доброго попечения о благе ближних образ житием своим дая, яко вернии супруги путь служения Отечеству земному нашему добре завещали есте, да все вернии, хотящии жати спасение и Святой Руси служити к заступлению вашему прибегая, с любовью вопиют вам таковая:

Радуйтесь, в лице правителей образ христианского смирения стяжавшии!

Радуйтесь, будущим правителям Земли Российския благий пример явившии!

Радуйтесь, полчища иноземных от Святой Руси отгнавшии!

Радуйтесь, подданным своим, яко чадам, упованием в сем житии многомятежном ставшии!

Радуйтесь, основание грядущего величия Святой Руси своим правлением премудро заложившии!

Радуйтесь, и нас, немощных, труждатися усердно ради блага Родины усердно вразумляющии!

Радуйтесь, от нашествия иноплеменных Русь Святую заступающии!

Радуйтесь, всех воюющих за правду и Святую Русь вовеки защищающии!

Радуйтесь, благовернии княже Димитрие и

княгине Евдокие, добрых правителей и супружеств милостивые покровители!

### **Кондак 11**

Пение воистину с небеси, а не от земли вам подобает, благоверные князья Димитрие и Евдокие, яко и угодники Божии и Пресвятая Богородицы были еста, и Святителя Николая усерднейшие почитатели, его же икону яко залог победы в битве с неверными доблестный князь Димитрий обрел еси, и Святителя Московского Алексия и Всея Руси игумена – преподобного Сергия чада возлюбленныя, и Ангелов – Хранителей ваших радование непрестанное, и всех православных христиан прибежище и веселие, иже с вами и о вас Богу вопием: Аллилуйя!

### **Икос 11**

Светозарной свеще, сущим во тьме бурного и многомятежного царства агарянского заката и возрождения и нового становления Святой Руси в стольном граде Московском явльшуюся, зрим дивное житие ваше, правители наши чудные Димитрие и Евдокие, яко и страны нашея многострадальныя мудрыя правители, о могуществе державы пекущиеся, и Православныя Церкви сыны верныя, о благоустроении Церкви Божией радеющия, и

ратного дела заботливыя попечители явились, и народа бедного разоренного княжества своего правители премудрыя, о благе подданных, яко клевет своих, яко многопопечивыя (по русски – многопопечительные) радетели себя явили еста, и вдов и сирот заботливыя попечители, всем вся еста, да хотя некоторые приобрящете. Сего ради мы, недостойныя чада ваша, вопием вам таковая:

Радуйтесь, Земли Московския приношение Богу драгоценное! Радуйдесе, Православныя Церкви удобрение преизрядное!

Радуйтесь, земли московския и Всея России усерднейшие попечители!

Радуйтесь, Церкви Русския ревностныя служители!

Радуйтесь, страны Российския всесильные защитницы!

Радуйтесь, земли московския похвало!

Радуйтесь, всем Церкви и Земле Русской служити хотящим милостивые помощницы!

Радуйтесь, всякого дела блага в Отечестве своем усердные споспешницы!

Радуйтесь, благовернии княже Димитрие и княгине Евдокие, добрых правителей и супружеств милостивые покровители!

## **Кондак 12**

Благодати источник изобильный яви вас Земле Русской всех благодати Податель, да от всех хотящих жати спасение и Отечеству верой и правдой служити слышит о вас: Аллилуйя!

## **Икос 12**

Поюще ваша славное житие, хвалим вас мы, меньшие братия ваша, яко и Богу верного служения образ, и Отечеству служащим зеркало, и защитникам его славу, и скорбящим отраду и утешение явили еста, научили всех вопити вам:

Радуйтесь, о славе Отечества своего земного – Руси Святой – усердные ревнители!

Радуйтесь, всем Родине служащим верные помощницы!

Радуйтесь, яко граждане Небесного Иерусалима предстоите всех Правителю Правителей!

Радуйтесь, яко о нас, меньших братиях ваших, усердно ныне ходатайствуете!

Радуйтесь, яко во всяком деле блазе нам усердно споспешествуете!

Радуйтесь, яко всем всякого дела злого душетленного молитесь нам избавитися!

Радуйтесь, яко всем верным хлопчете от Руси Святыя в граждане Небесного Иерусалима водвористися!

Радуйтесь, яко Русь Святую яко преддверие Царствия Небесного молитесь Владыку до

Страшного Суда Христова утвердиться!  
Радуйтесь, благовернии княже Димитрие и  
княгине Евдокие, добрых правителей и  
супружеств милостивые покровители!

### **Кондак 13**

О, двоице святая, благоверныя княже Димитрие  
и княгине Евдокие, земли московския похвало,  
Державы Русския усердныя защитницы и  
Церкви Российския преизрядное удобрение!  
Примите малое сие моление наше, от усердия  
нашего к вам приносимое, и молитве всех  
Владыку вашим единокровным и всем  
православным христианам от всякого зла  
избавитися, всему доброму в Отечестве нашем и  
во всем мире утвердиться, да молитвами  
вашими споспешествуемы, сподобимся верно  
Святой Руси служить и земное житие наше, по  
благому примеру вашему, без порока прейти и в  
Царствие Небесное вкупе с вами водворитися,  
попя всех Царю: Аллилуйя!

Сей Кондак чти трижды, по сем Икос 1 «Ангелов  
и человеков Творец...» и Кондак 1 «Избрании от  
славного служения...»

### **Молитва**

О, святые благоверные княже Димитрие и  
княгине Евдокие! Примите ныне малое сие

моление наше и Владыке всех, Ему же ныне вы предстоите, милостивно принесите! Помогите нам, меньшим братьям вашим, в тяжких скорбях жития нашего. Умолите Господа нашего Иисуса Христа от всяких бед нас избавити и всякого блага нас исполнити. Помогите всем, Отечеству земному и Православной Церкви служащим, да прошедши крестный путь земного жития сего, сподобимся в Царствии Небесном вкупе с вами славити Господа нашего Иисуса Христа и Его Пречистую Матерь во веки веков. Аминь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

†

НОВОЕ  
НЕБО